

ODLUKA

**O PRIHVATANJU ZADUŽENJA PO UGOVORU O FINANSIRANJU
IZMEĐU BOSNE I HERCEGOVINE I EVROPSKE INVESTICIJSKE
BANKE (EIB) ZA REALIZACIJU PROJEKTA MODERNIZACIJA
CESTA U FEDERACIJI BOSNE I HERCEGOVINE**

Na osnovu člana 40. stav 5. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09, 44/10 i 30/16) Parlament Federacije Bosne i Hercegovine je na sjednici Predstavničkog doma, održanoj 18.10.2016. godine, i na sjednici Doma naroda, održanoj 18.10.2016. godine, d o n i o

ODLUKU

O PRIHVATANJU ZADUŽENJA PO UGOVORU O FINANSIRANJU IZMEĐU BOSNE I HERCEGOVINE I EVROPSKE INVESTICIJSKE BANKE (EIB) ZA REALIZACIJU PROJEKTA MODERNIZACIJA CESTA U FEDERACIJI BOSNE I HERCEGOVINE

I.

Prihvata se zaduženje Federacije Bosne i Hercegovine (u daljnjem tekstu: Federacija BiH) po Ugovoru o finansiranju između Evropske investicijske banke (u daljnjem tekstu: EIB) i Bosne i Hercegovine (u daljnjem tekstu: BiH) za realizaciju Projekta Modernizacija cesta u Federaciji BiH u iznosu od 50.000.000,00 EUR za Javno preduzeće Ceste Federacije BiH d.o.o. Sarajevo (u daljnjem tekstu: JP Ceste FBiH).

II.

Sredstva kredita iz tačke I. ove odluke koristit će se za realizaciju Projekta Modernizacija cesta u Federaciji BiH.

Svrha Projekta je modernizacija magistralne mreže, te rehabilitacija /poboljšanje regionalne mreže.

III.

Sredstva kredita iz tačke I. ove odluke odobravaju se Federaciji BiH pod sljedećim uvjetima:

- iznos kredita:.....50.000.000,00 EUR,
- rok otplate:..... 20 godina,
- grace period:.....do 5 godina,
- kamatna stopa:.....fiksna ili varijabilna s fiksnim intervalom (dogovara se prije isplate tranše),
- dospjeća:.....godišnja ili polugodišnja rata u jednakim otplatama glavnice u anuitetima,
- iznos svake tranše:.....minimalno 3.000.000,00 EUR.

IV.

Potvrđuje se da je razmatrana dokumentacija prihvatljiva za Federaciju BiH, a posebno:

- Ugovor o finansiranju između EIB-a i BiH;
- Nacrt Supsidijarnog sporazuma između BiH i Federacije BiH.

V.

Sredstva kredita iz tačke I. ove odluke Federacija BiH će na kreditnom osnovu prenijeti na JP Ceste FBiH, koja je krajnji korisnik i dužnik po ovom kreditnom zaduženju.

VI.

Zadužuje se Federalno ministarstvo finansija da sa JP Ceste FBiH usaglasi i sklopi odgovarajući podugovor o kreditu kojim će, u svrhu redovne otplate, definirati uvjete vraćanja sredstava koja se prenose na kreditnom osnovu.

VII.

Daje se saglasnost za zaključivanje Supsidijarnog sporazuma između BiH i Federacije BiH, kao i saglasnost za zaključivanje i usaglašavanje odgovarajućeg podugovora o kreditu između Federacije BiH i JP Ceste FBiH kojim će se, u svrhu redovne otplate, definirati uvjeti vraćanja sredstava koja se prenose po kreditnom osnovu.

Za potpisivanje Supsidijarnog sporazuma i podugovora o kreditu ovlašćuje se federalni ministar finansija.

VIII.

Za realizaciju ove odluke i izvještavanje zadužuju se Federalno ministarstvo finansija, Federalno ministarstvo prometa i komunikacija i JP Ceste FBiH, svako u okviru svoje nadležnosti.

IX.

Implementacija Sporazuma iz tačke I. ove odluke ne zahtijeva donošenje novih ili izmjenu postojećih zakona.

X.

Ova odluka stupa na snagu narednog dana od dana objavljivanja u "Službenim novinama Federacije BiH".

PFBiH broj: 01-02-02-1541/16
Sarajevo, 18.10.2016. godine

**PREDSJEDAVAJUĆA
DOMA NARODA
PARLAMENTA FEDERACIJE BIH**

Lidija Bradara

**PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BIH**

Edin Mušić